

GAREZIA

Khe Por Garesiaij Ndi Khergi Gap

Khe fharav gan^{inga} buni khare.

Fharav guigira Zisas kothigap ana zin vui ntiiri khare, Zudaij ma. Ore, zumgum Zisas Por ga sarigim, ana vov, mba harigi fhaij nguir vegap, ana vhira Zisas Kraiss buna vhuuej bun vhira mbe suangi. Por vov, mbe nzuaim, mba harigi fhaij ngui gumgi, mbe zav guigira Zisas kothigap ana zin vui ntiiri vhen verim, simtik higi. Mba harigi fhaij ngui gumgi, mbe fhum, mbe Zudaij mbui tiva mbuav Moses suangi tivi zin vui fhuvara. Mbe mba tugar, Zisas kothigap ana zin panan ruagiap, mbe vhira Moses suangi tivi zin ngirga o, fhuvara?

Mbe gumgi mbari, mbe khan mbe nzuai, mbe Zudaij mbui tiva zin ngip, mbe vhira warir foongiri. Mbe warir foongip, mbe vhira Moses suangi tivi zin ngiri. Mbe maan nzuaim, Por khan nzuai, “Fhuvara.” Por maan suangiap khan nzuai, “Nza Zisas Kraiss kothigap, ana zin vuav, nza za Fhe Bakime niman, nza tivir vhuuijan mbui gumgi gu mbigi kav, nza zazera mbara muungia ki biijbiin kama ndigi.”

Mbe Zudaij mbari, mbe vov, Garesia ngu bakime fhain vegap, mbe mba Zisas kothigap ana zin vui gumgi gu mbigi, mbe Moses suangi tivi zin ngir zav mbe nzuai. Mbe maan mbe mbuim, Por mba kamej mbararagiap, ana mbara kha gava khergiap, mbe Garesiaij ana anan mbe ndi mbai. Ana mbe Zisas kothigi ndikndigi, ana taagip nta ndi tuavara maanj, mben tivi ndi thigar maan zav kha gava khergiap, mbe ndi mbai.

Por mba gava kherav, ana fharav kharj nzuai, “Fhe Bakime nduara ana farasarigim, ana anan njaara guma ki. Ana won vuzvuga zin vui fhu, ana vhira harigi guma the nzuai kamenj zin vui. Fhuvara. Fhe Bakime nduara ana kamgiap, kha njaarak ana niingiap, ana sarigim, ana vov, Fhe Bakime buna vhuuej bun ana kanji fhuv gumgi gu mbigi ga nzuai.” Por nen mbe suangiap, ana zumgum kharj nzuai, “Mba guigira Krais Zisas kothigap ana zin vui gumgi gu mbigira, mbe Fhe Bakime niman tivi vhuuiaj mbui gumgi gu mbigi ma.” Ana nen mbe suangiap, ana mpuur kamen, ana mba gavar kharj nzuai, “Nza Krais kothigim, Krais nza muungim, nza wom ndikndigi vhirve ga mbui fhu, nza bikbigi. Nza bikbigim, Fhe Bakimen Njan Njaar nzan kurkurigim, nza ruav, nza tivir vhuuin harigi gumgi gu mbigi ga mbui.”

Fhe Bakime nduara Por farasarigim, ana anan njaara guma ki.

¹ Gu Zisas farasarigi njaara guma Por. Gu guma the kha njaara nzuav na farasarigi fhuvara. Gu vhira gumgi na sarigim, gu zigi fhuvara. Zakira fhuvara! Gu Fhe Bakime gu Zisas Krais, gu manin farve tin kha njaara ndigi. Nzan Ndia Fhe Bakime, ana Krais ringim, ana taagia ana khavgi. ² Na phorgap guigira Zisas Krais kothigap ana zin vui gumgi, gu mben kov, nza kha gava khergiap, nde mba Garesia ngu bakime fhain kav guigira Zisas Krais kothivav, ana zin vui gumgi gu mbigi, nza anan nde ndi mbai.

³ Nzan Ndia Fhe Bakime gum nza Bakime Zisas Krais, mani nde korar muunjv, ndava miitigar nden niingrim, nde kiri. ⁴ Krais, ana nzan Ndia Fhe Bakime vuzvuga zin vov,

ana won tuma fekhingiap, nza fhum muunji tivi mbatigi, ana nta vhezgi. Ana ne muunjim, ntige kha tugar kha nuianan ki tivi mbatigi, ana nza ndigim, nza mba tivi mbatigi thagi. ⁵ Maanj muunjiap, nza zazera Fhe Bakime zin ndi vun kuamkuarga. Ne guigi guarara.

Kha buna vhuunj buenra ki.

⁶ Nde kha tiva mbuim, gu nde mbararagiap, nan ndavar vhee ngava mbatiga muunji. Kraisan nden kora muunjiap, kha njaara muunji. Fhe Bakime, ana won gumgi gu mbigi kir zav nden kamgi. Nde thav vhemkora hegap, ana thav, nde harigi khesharigi buna vhuuej, nde ne zin vegi.

⁷ Harigi khesharigi buna vhuunj thuej ki fhuvara. Zakira fhuvara! Gumgi mbari, mbe fhura nde ndikndigi ngav, fhura shikshigap, Kraisan buna vhuuej, mbe ne domdora suav, ne nzuai. ⁸ Maanj muunjiap, nza nduarira mba buna vhuuej bun nde suanga o, Fhe Bakime enser the mba buna vhuuej bun nde suanga, mba buna vhuuej ne nza fhum nde suangi buna vhuuej fara muunji fhu, maanj mbui guma, ana mbar Herar ngi. ⁹ Nza fhum mba kamen nde suangi, nza ntigem mba kamenra wom nde nzuai. Maanj muunjiap, guma the buna vhuuej nde suanga, mba buna vhuuej nza fhum nde suangi buna vhuuej fara muunji fhu, mba guma mbar Herar ngi.

¹⁰ Nde ram mbui ndikndiga mbui? Gu ntige nde nzuai kamenj, gu gumgi ndikndiga vhuun nan muun zav gu nzuai o, Fhe Bakime ndikndiga vhuun nan muun zav gu nzuai, ee, gu fhura kha gumgi raanj shav nzuairi? Nde mbarara! Gu fhura gumgi raanj shirga, gu Kraisan njaara guma fhuvara.

1:7 FG 15.1; 15.24; 2 Ko 2.17; 11.4; 11.13 1:8 1 Ko 16.22 1:9 Lo 4.2;
Snd 30.6; VB 22.18-19 1:10 1 Te 2.4; Ze 4.4; 1 Zo 3.19

Por Zisas ana farasarigim, ana anan ŋaara guma higi ne neŋgi buni khare.

¹¹ Nde na phorgap guigira Zisas kothigap ana zin vui gumgi gu mbigi, gu guigira nde nzuai. Gu mba fhum nde suangi buna vhuueŋ, ne guma the ndi kira tigi buna vhuueŋ fhuvara. ¹² Gu guma then han mba buna vhuueŋ ndigi fhuvara. Guma the vhira mba buna vhuueŋ na khivigi fhuvara. Zakira fhuvara! Zisas Krais, ana nduara mba buna vhuueŋ na khivigi.

¹³ Nde gu fhum muuŋgi bigi, nde ntan kameŋ mbararagi. Gu guigira khaŋ tiga havhargiap Zudaiŋ kothigi tiva zin vui guma ma. Gu nta zin vov, gu tiva mbatigar Fhe Bakime zin panan ruagiap, ana zin vui gumgi gu mbigi, gu mben farfagi. Gu mben kora mbui fhu. Gu za mbe vhizi za mbui. ¹⁴ Gu guigira khaŋ tiga havhargiap Zudaiŋ kothigi tivi zin vov, zi bakime ndir za mbui guma ma. Gu mba tiva mbuav, gu wo phorga vhuuŋgi Zudaiŋ gumgir ŋkaa vhirve, gu mbui tivi, nta guigira mbe mbui tivi kambarigi. Gu guigira won nziŋgi tivi zin vui guma ma.

¹⁵⁻¹⁶ Gu maan mbui, gu fhum na niamuuŋ nan tegi fhuvara, ana zungum na tirga, Fhe Bakime fhum na kora muuŋgiap na farasarav, ana won kaman na khivirgeŋ vuzvugi. Gu anan ŋaarar muuŋv, ana muuŋgi bigina vhuueŋ bun harigi fhainŋ ŋguir ki gumgi gu mbigi ga suanga. Fhe Bakime mba tivar na muuŋgim, gu vov, mba bigi ga nzuav harigi gumgir nzaŋgi fhuvara. ¹⁷ Gu Zisas fharav farasarigi 12 thiŋi ŋaara gumgi, gu mbe gani zav Zerusareman ndagi fhuvara. Zakira fhuvara! Gu vov,

1:11 Mt 16.17; 1 Ko 15.1 1:12 1 Ko 15.1-3; Ga 1.1; Ef 3.3 1:13 FG 8.3; 9.1; 22.3-5; 26.9-11; Fi 3.6; 1 T 1.13 1:15-16 Ais 49.1; Jer 1.5; 49.1; FG 9.15; Ro 1.1 1:15-16 FG 9.3-6; 22.6-10; 26.13-18 1:15-16 Ro 11.13; 2 Ko 4.6; Ga 2.7

Arebia ngu bakime fhain ki. Gu maanj kegap, zungum taagia vov Damaskusan vugi. ¹⁸ Gu kav kim, mpari mpuveni khegntirive vhezgim, gu Pita phorgiv suan zav Zerusareman ndagi. Gu ndav, 15 rarir, gu ana phorga kegi. ¹⁹ Gu ana phorga kav, gu Zisas farasarigi 12 thigi njaara guma the phorgap gangi fhu. Gu guma mbe gangi, ana nza Bakimen nguk ma. Ana zi Zems, gu ara gangi. ²⁰ Gu ntige khar khergiap nde ndi mbai buni, gu guigi guarara Fhe Bakime rimani niman nde nzuai, gu nde guiguigi fhuvara.

²¹ Gu zungum vov, Siria ngu bakime fhainj ga ruav, vov, Sirisia ngu bakime fhainj ga ruigi. ²² Mba Zudia ngu bakime fhain guigira Krai kothigav ana zin vui gumgi gu mbigi, mbe na khoma gangi fhuvara. ²³ Mbe fhum nan kamej mbararagim, mbe kharj nzuai “Mba guma, ana fharav nza guigira Krai kothigav ana zin vui gumgi gu mbigi, ana nza shogim, nza vhazi. Ana ntigem guigira Krai kothigap ana zin vui buna vhuuej, ana ne bun nzuai. Ana fhum guigira mba buna vhuuej kothigi ntiiri, ana mben farfagi.” ²⁴ Mbe maanj nzuav, Fhe Bakime na muunjgi bigi, mbe nta mbararagiap, mbe ne nzuav, Fhe Bakime zi ndiv vun kuamkuagi.

2

Zisas Krai farasarigi 12 thigi njaara gumgi, mbe Por phorgap ndava bavira ki.

¹ Gu kim, 14 mpari vhezgim, gu Barnabasan kov, taagiap Zerusareman ndagi. Gu vhira Taitus ndigim, ana nka phorgap ndagi. ² Fhe Bakime nduara na suanjim, gu ndav Zerusareman kav, gu maam guigira Zisas kothigap ana zin vui gumgi gu mbigi gari gumgi panira garav, gu mbera phorga nzuai. Gu mbe phorga nzuav, gu mba harigi fhainj

ngui gumgi phorga suanji buna vhuueŋra, gu nera mbe nzuai. Gu khueŋ ndikndigap, gu muunv kirim, gu khar mbui ŋaar gum gu fhum muunji ŋaari, nta fhura mbar ngigirivgi. ³⁻⁵ Khueŋ guigi guarara, nza phorgap guigira Zisas Krai kothigap ana zin vui nen wari ga shishigi ntiri, mbe wari vhagiap, zav, nza phogar zegi. Mbe zegap, wari vhagiap, mba Krai Zisas nza niŋgi tiv, mba tiv nza Moses suanji tivi zin vuim, nta nza kegi tiva fhiriap, nza muunjim, nza fhigia daav bikbiigi. Mbe mba tiva ganiv, mba buni mbarara zav wari zorga zegi. Mba gumgi, mbe taagip nzan muunrim, nza fhura Zudain tivir ŋaara gumgi kir za mbui. Taitus, ana na phorga ki, ana Grik guma ma. Gu mbe phorga ki, mbe Taitusan foon zav nzuai, gu nen mbe khirigi fhuvara. Nza mbe nzuai buni piin ki fhuvara. Mba Zerusarem siosa gari gumgir pani, mbe vhira Taitusan foon zav ŋka nzuai fhuvara. Nza khueŋ vuzvugi, Fhe Bakime buna vhuueŋ, ne buna guareŋ ma, ne domdora sui, ne nzerigi fhuvara. Ne mbara muunqip kirim, nde ne zin ngiri.

⁶ Gumgi mbari, mbe Zisas kothigap ana zin vui gumgi gu mbigi gari gumgir pani ki. Na ndikndigar, mbe ziri bakivi ki o, fhu, ne fhura ki ne ma. Fhe Bakime gumgi ziri ga ndikndigi fhuvara. Mba ziri ki gumgi, mbe buni tharir na buni ga phevav nzuai fhu. ⁷ Zakira fhuvara! Mbe na garim, gu Fhe Bakime kha ŋaarar na niŋjim, gu harigi fhain gumgi gu mbigi, gu Fhe Bakime buna vhuueŋ bun mbe nzuai. Ana mba ŋaarara Pita ga niŋjim, ana Fhe Bakime buna vhuueŋ bun Zudain ga nzuai. ⁸ Ahaŋ, Fhe Bakime ŋkasŋkar Pita ga niŋjim, ana anan ŋaara guma kav, ana Zudain rigar anan buna vhuueŋ bun Zudain ga

2:3-5 FG 15.1; 15.24; 16.3; 2 Ko 11.20; 11.26; Ga 1.7; 5.1; 5.13 2:3-5 Ga 3.1;
4.16 2:6 Lo 10.17; FG 10.34; Ro 2.11; 2 Ko 12.11; Ga 6.3 2:7 FG 22.21

nzuai. Gu vhira mba tivara muunġi. Fhe Bakime, ana nduara nkasnkar na niingim, gu mba harigi fhainġ ngui gumgi gu mbigi rigar kav, ana buna vhuuej bun nzuai. ⁹ Mba gumgi gu mbigi, mbe Zems, gu Pita, Zon, mbe mbe garim, mbe Zisas kothigap ana zin vui gumgi gu mbigi gari gumgir pani ki. Mba gumgi, mbe khuej kanggi, Fhe Bakime nan kora muunġiap, ana kha njarar na niingim, mbe mbaram, nka Barnabas gum nkan haranin suirav, nka ndigim, nka guigira mbe phorga ngari gumani ki. Mbe nka ndigav, nza wari tigap ndava bavira kav, wari tigap kama shogiap, khanġ nzuai, “Nka harigi fhainġ ngui gumgi gu mbigi rigar kiv, mbe phorgip ngarirga. Mbe nduarira Zudainġ rigar kiv, mbe phorgip ngarirga.” ¹⁰ Mbe buna buejra nka suanġi. Mbe khanġ nka suanġi. Mbe khuej vuzvugi, nka guigira Zisas kothigap ana zin vov bigi sosuagi gumgi gu mbigi, nka mben kurkurarga. Gu fhum mba khesharigi njarar muunġenġ vuzvugi. Gu maanġ muunġiap khanġ tiga havhargiap mba njaara mbui.

Por Pita muunġi simtigenġ bun nzuai.

¹¹ Pita zumgum zav Antiok ngu bakimen zigim, gu ana khomara garav ana vhegi. Ana tiva mbatigenġ muunġi.

¹² Ana khanġ muunġi. Mba Zisas kothigap ana zin vui Zudainġ gumgi mbari, mbe Zems han kegap, zergi fhuvara. Mbe mbur kim, Pita harigi fhainġ ngui gumgi, mbe guigira Zisas kothigap ana zin vui, ana mbe phorga pav ki. Ana mbe phorga pav kim, mba guigira Zisas kothigap ana zin vui Zudainġ, mbe Zems han kegap, zav hegim, Pita mben rivgi. Mbe khanġ tiga havhargiap foori tiva zin vui ntiiri ma. Ana maanġ muunġiap, mba harigi fhainġ ngui gumgi thav, samra kav, ana wom khurkhuman mbe khuui fhu. ¹³ Mba Zisas kothigap ana zin vui Zudainġ mbari, mbe

vhira ana phorgap, mbe mba guiguiga muunġi. Mbe maan muunġim, zungum mbe ndikndik, ana vhira Barnabas ngirgi. ¹⁴ Gu mbe garim, mbe Fhe Bakime buna vhuun guarenra zin vui fhu. Gu maan muunġiap Pita khomara garav khan ana nzuai, “Ndu Zuda guma mbe ma. Ndu harigi fhain ngui gumgi mbui tivi zin vuav, ndu Zudain mbui tivi zin vui fhuvara. Ndu maan mbuav, ndu than nzuav Zudain tiva zin ngir zav, khan tigav harigi fhain ngui gumgi ga nzuai?”

Mba guigira Zisas Krai khotigap ana zin vui gumgi gu mbigira, mbe Fhe Bakime rimani niman, mbe tivir vhuuian mbui gumgi gu mbigi ma.

Guma, ana guigira Zisas khotigap ana zin vui, ana tivir vhuuian mbui guma ma.

¹⁵ Gu maan Pita ga suanġiap, khan nzuai, “Nza Zudain, nza guigira, nza Zudain gumgi ma. Nza harigi nguir kega zegi fhuvara. Mba harigi fhain ngui, nza khan mbe nzuai, mbe tivi mbatigi ga mbui ntiiri ma. ¹⁶ Nza kanġi, Fhe Bakime, ana Moses suanġi tivira zin vui gumgi gu mbigi, ana ne ndikndigap, tivir vhuuian mbui gumgi gu mbigir mben kaai fhuvara. Zakira fhuvara! Guma, ana guigira Krai Zisas khotigim, Fhe Bakime mba guma, ana tivir vhuuian mbui guman mba guman kaai. Nza vhira, nza guigira Krai Zisas khotigap, nza vhira khuen kanġi, mba tuav Fhe Bakime tivir vhuuian mbui gumgir nzan kaai. Ana nza Moses suanġi tivi zin vui ne nzuav fhuvara. Ne khan muunġi, guma the tuituigip Moses suanġi tivi, ana nta zin ngirim, Fhe Bakime tivir vhuuian mbui guman ana kamgire? Fhuvara. ¹⁷ Nza Krai khotigi tuava zin vov gari, nza Fhe Bakime niman, nza tivir vhuuian mbui

2:14 1 T 5.20 2:16 Sng 143.2; FG 13.38-39; 15.10-11; Ro 1.17; 3.20-28; 4.5; 11.6; Ga 3.11; Hi 7.18-19 2:17 1 Zo 3.8-9

gumgi gu mbigi ki. Nza maan mbuav garim, nza Zudain, nza vhira Moses suangi tivi zin vui fhu Zudain, mbe khan nzuai, “Nde vhira tivi mbatigi ga mbui gumgi ma. Nza maan mbuav, nza khuen ndikndigi thi? Krais, ana nduara tivi mbatigi havharirgen vuzvugi thi?” Zakira fhuvara! Nza maan suanga fhu. ¹⁸ Gu maan muungip Moses suangi tivi, gu ntan piin ki tiva vhezgip, gu wom mba tivi piin kirga, gu nduara tivi mbatigi ga mbui guma ma. ^a ¹⁹ Gu Moses suangi tivi zin vui tuav thav, gu nta niman, gu rimgi guma fara muungiap ki. Gu ntige maan muungiap Fhe Bakime vuzvuga piin ki. ²⁰ Gu maan muungiap Krais phorgap, khanararen ga ntorgap rimgi fara muungiap ki. Gu ana phorgap rimgiap, biinbiin kama ndigi. Gu mba ndigi biinbiin, ana nan biinbiin fhuvara. Zakira fhuvara! Krais, ana nan vhen kav, ana mba biinbiin na niingi. Maan muungiap, gu ntige kha nuianan mbui tivi gum nan naari, nta gu Krais kothigap ana zin vuav mbui bigi ma. Gu guigira Fhe Bakimen Kama kothigi, ana guigira won ndavar na niingiap, ana won tuma fekingiap, nan kurigi. ²¹ Gu mba Fhe Bakime na kora muungi ne, gu ne ndikndigi, ne fhura ki bigen fhuvara. Maan muungip Moses suangi tivi, nta nzan muungirim, nza Fhe Bakime niman tivir vhuuijan mbui gumgi kirga, Krais ana fhura

^a 2:18 Por buni khan tuituigiap kirar higi fhuvara. Ana buni khan mbui gangana muungi, ana khan suan za mbui. Guma ana guigira Zisas kothigap, ana Fhe Bakime zin panan ruagi, ana wom Zudain tivir piin ki fhuvara. Mbe Fhe Bakime zin panan ruagi gumgi mbari, mbe nduarira wari wo vuzvugira khan tigi havhargip mba tivi zin ngirga. Mbe vhira mba Moses suangi tivi piin ki gumgi farar muungip tivi mbatigi ga mbui gumgi ki. Rom 7.4-6 gani.

2:19 Ro 6.11; 6.14; 7.6; 2 Ko 5.15; 1 Te 5.10; Hi 9.14 2:20 Zo 13.1; Ro 6.11; Ga 1.4; Ef 5.2; Ta 2.14; 1 Pi 4.2 2:21 Ga 3.21; Hi 7.11

shishigap rimgi.

3

Moses suangi tivi gum Krai kothigi tip.

¹ Nde Garesia gumgi, nde njanngi gumgi ma. Nza Zisas Kraisan nde khivigi. Nde wari won rimgira ana garim, ana khanarareŋ ga ntorgi fara muungi. The ntigem nden ndikndigi ngirgi? ² Gu bigin buenra nzuav nden nzan za mbui. Nde maangi tuav guarara nde Fhe Bakimen Ŋina Ŋaara ndigi? Nde Moses suangi tivi zin vui ne nzuav o, nde Fhe Bakimen buna vhuueŋ mbararagiap, nde guigira Krai kothivi ne nzuave? ³ Thagin nde muungim, nde njanngi? Nde fharav Fhe Bakimen Ŋina Ŋaara ŋkasŋka zi ruav kav, nde ntigem wari won ŋkasŋkara mba ruru vhiŋi za mbuire? ⁴ Nde mba fhum nden hi bigir vhuuiŋ, nta fhura hi bigi thi? Nde ram mbui ndikndigar nta mbui? Nde kha ndikndiga mbui thi, nta niieŋ kav hi bigi? ^a ⁵ Fhe Bakime won Ŋina Ŋaarar nde niingim, ana nde phorga kim, nde mirikori ga mbui. Ana thaŋ nzuav mba tivar nde mbui, ee, nde Moses suangi tivi zin vui ne nzuav ana maanŋ nde mbui o, nde Fhe Bakime buna vhuueŋ mbararagiap, guigira ne kothigi ne nzuav ana maanŋ nde mbui?

⁶ Abraham mbara muungi. Fhe Bakime buni vhuuiŋ ki gap khaŋ nzuai, “Abraham ana guigira Fhe Bakime suangi kameŋ kothigim, Fhe Bakime tivir vhuuiŋ mbui guman anan kaai.” ⁷ Maanŋ muungiap, nde khueŋ kanngiri, mba

3:1 Ga 2.13-14; 5.7 3:2 FG 10.47; 15.8; Ro 10.16-17; Hi 6.4 3:3 Ga 4.9; Hi 7.16; 9.10 3:4 Hi 10.35-36; 2 Zo 1.8 ^a 3:4 Bigi kanngi gumgir vhirve mba vezeŋ kherav khaŋ nzuai, “Fhe Bakime Ŋina Ŋaar muungi bigir vhuuiŋ nde rigar higim, nde nta ndikndik nangi thi? Gu ndikndigi, nde nta ndikndik nangi fhuvara.” 3:6 Stt 15.6; Ro 4.3; Ze 2.23 3:7 Zo 8.39; Ro 4.11-12; 4.16

Fhe Bakime buna vhuueŋ kothigap, ne zin vui gumgi, mbe guigira Abrahaman tari ma. ⁸ Fhe Bakime fhum khueŋ kaŋgi, mba harigi fhaiŋ ngui gumgi, mbe vhira Fhe Bakime buni vhuuiŋ kothivirga, ana tivar vhuuiaŋ mbui gumgir mben kaminga. Maan muunŋiap, Fhe Bakime fhum guarira mba buna vhuuen Abrahamana suanŋi. Maan muunŋiap, Fhe Bakime buni vhuuiŋ ki gava vhen ki buni vhuuiŋ khaŋ nzuai, “Gu ndun panan, gu tivar vhuun za kha gumgi gu mbigir muunga.” ⁹ Abraham, ana Fhe Bakime kothigim, ana tivar vhuun ana muunŋi. Ntige, mba tivara, Fhe Bakime kothivi gumgi gu mbigi, ana tivar vhuunra mben muunga. ¹⁰ Mba khueŋ ndikndigi gumgi gu mbigi, mbe Moses suanŋi tivi zin vui, mbe Fhe Bakime niman tivir vhuuiaŋ mbui gumgi gu mbigi ma. Mba ndikndiga mbui gumgi gu mbigi, Fhe Bakime khaŋ mbe suanŋi, “Gu mben farfagirga.” Ne khaŋ muunŋi, Fhe Bakime buni vhuuiŋ ki gap khaŋ nzuai, “Guma za Moses suanŋi tivi ki gavar ki tivi, ana za nta zin vui fhu, Fhe Bakime khaŋ suanŋi, ‘Gu anan farfagirga.’ ” ¹¹ Nza khueŋ kaŋgi, Fhe Bakime niman Moses suanŋi tivi zin vui ne nzuav, Fhe Bakime tivir vhuuiaŋ mbui gumgir mben kaai fhuvara. Fhe Bakime buni vhuuiŋ ki gap khaŋ nzuai, “Mba guigira Fhe Bakime buni vhuuiŋ kothigi gumgi gu mbigi, Fhe Bakime tivir vhuuiaŋ mbui gumgi gu mbigir mben kaminga. Mbe vhira zazera mbara muunŋip ki biinbiin ndigip kirga.” ¹² Moses suanŋi tivi zin vui ne, ne guigira Fhe Bakime kothigi tiva zin vui fhuvara. Mba tiv, ana wo hiavra ki. Ne khaŋ muunŋi, Fhe Bakime buni vhuuiŋ ki gap khaŋ nzuai, “Guma za Moses suanŋi tivi zin ngirga, mba guma, ana zazera za mba tivi zin ngirga.”

3:8 Stt 12.3; 18.18; 22.18; FG 3.5; 3.25; Ro 9.17 3:9 Ro 4.16 3:10 Lo 27.26; Jer 11.3 3:11 Hab 2.4; Ro 1.17; Ga 2.16; Hi 10.38 3:12 Wkp 18.5; Neh 9.29; Ro 4.4; 10.5; 11.6

¹³ Moses suanji tivi khañ nzuai, nza za mba tivi zin vui fhu, nza mbatigirga. Fhe Bakime maan nzan muungen thav, nzan kurkurar zav, Krai kha zi ndigi. Mba zi khare, “Mbarigirga guma.” Ana mba zi ndigap, ana taagia nza ndigi. Fhe Bakime buni vhuuñ ki gap khañ nzuai, “Khanarareñ ga tui gumgi, Fhe Bakime mbe garim, mbe za mbatigirga.” ¹⁴ Fhe Bakime ñgirkaman vhuun Abrahama muunjiap, khañ nzuai, ana tivar vhuun za kha harigi fhain ki gumgi gu mbigir muunga. Ana mba Zisas Krai muunji ñaara panan, ana taagia nza ndigap, ana ñgirkama vhuun za kha harigi fhain ki gumgi gu mbigi ga muunji. Ana maan muunjim, nza guigira Fhe Bakime khotiviv, nza anan Ñina Ñaara ndigirga. Fhe Bakime fhum mba kameñ suanjim, ne ki.

Fhe Bakime suanji tivi, nta Fhe Bakime nza suanji buni vñizgirga tuktigi fhuvara.

¹⁵ Nde guigira Zisas khotigap ana zin vui gumgi gu mbigi, gu ntigem za gumgi wari won tivi, ga suan zav mbui. Nza maan muunjiap, nzan guma phunini, mani maan muunjiap, wani tigip kama shogip, buna thuen suanjirga. Mani mba suanji kameñ, ne mani suanji kameñ ma. Harigi guma the harigi buna thuen mani suanji kameñ ga phevarga tuktigi fhuvara. Harigi guma the khañ suanga fhu, “Nza mba mani suanji kameñ zin ñgirga fhu.” ¹⁶ Fhum Fhe Bakime khañ suanji, bigina vhuun zumgum hirga. Ana mba suambarar Abraham gu nziga muunji. Fhe Bakime buni vhuuñ ki gap khañ suanji fhuvara, “Ndun nzigi.” Fhuvara. Ana nzigi vhirve ga suanji fhuvara. Ana ana nziga bavira suanji. Ana mba nziga bavira nzuav khañ suanji, “Ndun nzik”, mba nzik

3:13 Lo 21.23; Ro 8.3; 2 Ko 5.21; Ga 4.5 3:14 Ese 11.19; Jol 2.28-29; Sek 12.10; FG 2.33 3:16 Stt 12.3; 12.7; FG 7.5; 17.7; 1 Ko 12.12

ana Krais ma. ^b ¹⁷ Gu nzuai kama niien kharj muungi. Fhe Bakime ana fharav Abraham phorgap mba kamen suangi. Ana mba kamen ana suangim, 430 mpari vov vhezgim, zungum Moses suangi tivi higi. Mba Moses suangi tivi, nta zi guarara higi, nta Fhe Bakime suangi kamen ga vhararga tuktigi fhuvara. Nta vhira Fhe Bakime fhum suangi kamen vhezgira tuktigi fhuvara. ¹⁸ Nza maanj muungip, Fhe Bakime nzan niin zav nzan mbugi bigi, nza Moses suangi tivi zin ngip, nta ndirga. Nza mba Fhe Bakime niin zav nza suangi tuavar mba bigi ndi fhuvara. Nza khuej mbugu kangiri, Fhe Bakime mba bigir Abrahaman niin za suangiap, ana maangiap, ana ndiii. ¹⁹ Maanj muungiap, thaj nzuav Moses suangi tivi ki? Ne kharj muungi, Fhe Bakime khuej vuzvugi, ana mba tivi mbatigi niinge ndi kira khingir za mbui. Ana maanj muungiap mba buni suangia thugap, ana zungum mba tivir Moses ga niingim, ana nta bun suangi. Ana khuej vuzvugi, ana mba Moses ga suangi tivi nta kirim, ana nzik higirga. Mba nzik, ana fhum mba bigir ana niin zav suangi. Fhe Bakime, ana mba tivir wo enseri ga niingim, mbe ntan nza rigira ki guma mbe niingi. Mba nza rigira ki guma, ana ntan nza niingi. ²⁰ Maanj muungip, guma the,

^b ^{3:16} Por mba nzuai kamen, ne farigi gap Stat 13.15 ki. Mba kamen vhira Stat 15.18 ki, vhira 17.8 ki. Ndu tor kaman mba bunivenj ganinga, nta Por suangi buni fara muungi fhuvara. Zakira fhuvara! Mba buni kharj muungi, “Mba buni nta zungum ndun tarir hirga.” Por kha ndikndiga mbui, Krais, ana mba Fhe Bakime fhum Abrahama suangi kam ma. Ana Hibriinj kaman mba kamen gangiap ne khergi. Mbe Hibriinj, mben kaman nzuai buni, nta manej harigi khesharigi. Maanj muungiap, nza tor kaman mba buni nza tuituigip nta dorgirga tuktigi fhuvara. ^{3:17} Kis 12.40; Ro 4.13-14; Ga 3.21

^{3:18} Ro 4.14; 8.17; 11.6 ^{3:19} Lo 5.5; 5.22-27; Zo 1.17; FG 7.38; 7.53; Ro 5.20; Hi 2.2 ^{3:20} Ro 3.29-30

ana nduara buna thuen suan sarjv, ana mba bunen rigira ki guma ga suangirga fhu. Fhe Bakime, ana nduara, kha bunen Abraham ga suangi.

Moses suangi tivi, nta nza gari ndia ma. Nta nza garav, nzan kov, Krai han vui.

²¹ Gu khañ suan za mbui thi? Moses suangi tivi, nta Fhe Bakime fhum suangi bunin pana gumgi thi? Zakira fhuvara! Maan muungip, Fhe Bakime nza niingi tiva thuen zazera mbara muungiap ki biñbiñ nzan ndii kake, nza maan muungip Moses suangi tivi zin vuim, Fhe Bakime tivir vhuuiñ mbui gumgi gu mbigir nzan kae. ²² Fhe Bakime buni vhuuiñ ki gap khañ nzuai, “Tivi mbatigi za kha nuianan ki gumgi gu mbigi kegi.” Fhe Bakime fhura mba tiva garim, mba tiv higi. Nza maan muungip guigira Zisas Krai khotigi gumgi gu mbigi, nza ana khotigi ne sarjv Fhe Bakime mba niñ za suangi bigin, ana anan nzan niinga.

²³ Nza guigira Zisas Krai khotigi tiv ntigar hirga, Moses suangi tivi, nta fhum nza kegim, nza nta binan ki. Nza nta binan kav kim, Zisas Krai khotigi tiv za nzan han kirar higi. ²⁴ Moses suangi tivi, nta nza gari ndia ma. Nta nzan kov, Krai han vui. Nta nza garav kim, Zisas higi. Nta maan nza mbuav kim, nza guigira Zisas khotigirga, Fhe Bakime tivir vhuuiñ mbui gumgi gu mbigir nzan kaminga. ²⁵ Nza ntigem Zisas Krai khotigi tuk higim, nza guigira ana khotigap, nza wom ntan piin kim, nta nza gari fhuvara.

Nza guigira Zisas Krai khotigap, ana zin vov, nza Fhe Bakimen tari ki.

²⁶ Nde zam guigira Krai Zisas khotigi, nde mba tiva

3:21 Ro 8.2-4 3:22 Ro 3.9-19; 3.23; 4.11-12; 4.16; 11.32 3:23 Ga 4.3
 3:24 FG 13.39; Ro 10.4; Ga 2.16; Kor 2.17; Hi 9.9-10 3:26 Zo 1.12; Ro 8.14-16; 1 Zo 3.1-2

mbuav, nde Fhe Bakimen tari ki. ²⁷ Nde guigira Zisas Krai khotigap ana zin panan ruagi gumgi gu mbigi, nde Krai ndigap, nde Krai mbui tivi zin vov, nde Krai fara muunjiap ki. ²⁸ Nde Krai ndigi ntiiri, nde Zudaij, nde Griki, nde jaara gumgi, nde fhura kav bikbiigi gumgi, nde gumgi, nde mbigi, nde zam Krai Zيسان, nde wari tigap Fhe Bakime niman tuga bavira ki. ²⁹ Nde Krai Zيسان gumgi gu mbigi kirga, nde vhira Abrahaman tari ma. Ndera mba Fhe Bakime fhum Abrahaman nin za suangi bigina ndirga.

4

Krai muunji jaara panan, nza jaara gumgi nza Fhe Bakimen tari ma.

¹ Na buni kharj muunji. Ndia ana tara bavira ki, mba tar ana zumgum won ndia bigi ndirga. Ana bigi, nta anan tara bigi ma. Anan kam, ana guma ruma muunji fhu. Ana guman kamara kav, ana won ndia jaara guma fara muunjiap ki. ² Ana won ndegi ntogi gum won gumgi ruu, ana mben piin ki. Ana mbara muunjiap kirim, ana ndia ana sarigi tugar higirga. ³ Nza vhira mbara muunji. Nza fhum tarire fara muunjiap kav, nza Fhe Bakime buna vhuuej kanji fhu. Nza fhura mba buip gu nuiana gari njiningi gu bigir jaara gumgi ki. ⁴ Nza kav kim, Fhe Bakime wo sarigi tugara, ana won Kama sarigim, ana zergi. Ana kha nuianan mbik ana tegim, ana Moses suangi tivir piin ki. ⁵ Ana taagip, nza Moses suangi tivi piin ki gumgi gu mbigi, ana nza vhezzi zav zergi. Ana maanj nzan muunjiap, nza Fhe Bakimen tari kirga.

3:27 Ro 6.3; 13.14 3:28 Zo 10.16; Ro 10.12-13; 1 Ko 12.13; Ef 2.14; Kor 3.11
 3:29 Ro 4.13; 9.7; Ga 4.7; 4.28; 5.1; Ef 3.6; Hi 11.18 4:3 Ga 2.4; 3.23; Kor
 2.20 4:4 Stt 3.15; Mt 5.17; Ru 1.31; Zo 1.14; Ro 1.3; Ef 1.10; Hi 2.14 4:5
 Mt 20.28; Zo 1.12; Ga 3.13; Ef 1.5-7; 1 Pi 1.18-19 4:5 Ro 8.15-17

⁶ Nde ntigem, Fhe Bakimen tari guari ki. Maan muun-giap, Fhe Bakimen Ŋina Ŋaar, ana vhira ana Kaman vhen ki. Ana ana sarigim, ana zerav, nzan ndavi vherir kav, ana nza mbuim, nza kha kakaman Fhe Bakime mbui, “Dara.”
 a ⁷ Maan muun-giap nde ŋaara gumgi khini ki fhuvara. Fhe Bakime nde muun-gi, nde ana tari guari ma. Nde Fhe Bakimen tari ma, nde kan-gi, nde anan bigi vhuu-ij ndirga.

Por guigira Garesia-ij ga nzuav ndav simgi.

⁸ Nde fhum Fhe Bakime kan-gi fhu-uv, nde fhura mba mbarivi gu tori ŋaara gumgi kav kha-ŋ nzuai, “Mbe Fhe Bakime ma.” Fhuvara. Mbe Fhe Bakime fara muun-gi fhu. ⁹ Nde ntigem Fhe Bakime kan-gi, o gu kha-ŋ muun-gi suanga, Fhe Bakime nde kan-gi. Maan muun-giap, nde tha-ŋ nzuav taagi ŋgi-ŋ, mba ŋkas-ŋka ki fhu-uv ŋini-ŋi mbatigi, nde nta zin ŋgi-ŋ nta-ŋ ŋaara gumgi kirie? ¹⁰ Nde zazera kha ndikndigi ga mbui, nza Zuda-ij rotui ga mbui tugi bakivi, gu kinin kam higi rotu bakivi, gu mpari ŋkave higi rotu bakivi ga mbui tivi, nza nta zin ŋgirga. ¹¹ Gu nde mbui tiva ndikndigap, gu guigira rivgi. Gu nde rigar ka muun-gi ŋaar, ana fhura mbar ŋgigirga.

¹² Nde Zisas khotigap ana zin vui gumgi, gu kha-ŋ thigap havhargiap nden nzai, nde nan farar muun-giri. Gu ndera fara muun-gi. Gu Moses suan-gi tivi, gu nta thagi. Nde bigin mbatik thuen na muun-gi fhuvara. ¹³ Nde kan-gi, gu mba rimrim na mbuim, gu fhara guarara mba Fhe Bakimen buna vhuue-ŋ bun nde suan-gi. ¹⁴ Na fhav

4:6 Ro 5.5 a 4:6 Araman kam, ana Zisas nzuai kam ma. Mbe mba kaman mbe “Dara”, mbe kha zitir ana mbui, “Aba”. Maan muun-giap, Zisas Fhe Bakime phorga nzuai. Ana anan Ndia ma. Ana maan muun-giap, kha kakaman ana mbui, “Aba.” Mak 14.36 gani.

4:7 Ga 3.29 4:8 Ro 1.25; 1 Ko 8.4-6; 12.2; Ef 2.11-12; 1 Te 4.5 4:9 Ro 8.3; 1 Ko 8.3; Kor 2.20; Hi 7.18 4:10 Ro 14.5; Kor 2.16 4:13 1 Ko 2.3; 2 Ko 11.30; 12.7-9

ɲkasɲkagi fhu, gu maan muunɲiap simtigar nde ndiii. Nde ne nzuav kir na segi fhuvara. Nde vɲira na phorgiv kirgen vɲukvɲugi fhuvara. Zakira fhuvara! Nde na ndigap, Fhe Bakime enser mbe ndigi tivar na mbui. Nde vɲira Zisas Kraisa ndigi tivar na muunɲi. ¹⁵ Nde mba tugar, nde guigira nan ndikndigap tivar vhuunɲra na muunɲi. Mba tiv ntige maan ki? Gu guigira khar nzuai, nde mba tugar, nde guigira nan kurkurar zav vuzvuk bakime kegi. Nde maan muunɲip wari wo rimgi siav, na ndii kake, nde nta sigap, na niinɲe. ¹⁶ Ee, ram muunɲi? Gu fhara guarara buna vhuunɲ guarenɲra bun nde suanɲim, mba bunen na muunɲim, gu nden pana guma kire?

¹⁷ Nde mbarara! Mba khar tigap havhargiap nde raan shav nde nzuai gumgi, mbe nden kurkurarga ndikndigi ki fhuvara. Zakira fhuvara! Mbe warira kurkurar zav nde biri. ¹⁸ Nza harigi ntiiirir kurkurar zav ndikndik havhargi, ne nzerara. Nde zazera mba tivar muunɲri, nde gu nde phorga kim, nde nan sugup, mba tivar mben muunɲ thari, nde zazera mba tivar mben muunɲri. ^b ¹⁹ Nde nan tari, gu taagia mbik tara tir zav zaa ndi fara muunɲi zaa ndi. Gu khar muunɲiap, gu khuenɲ vuzvugi, nde guigira Fhe Bakimen tari kiv, nde Kraisa farar muunɲiri. ²⁰ Gu nden kora muunɲi. Gu ntige nde phorga ki fhuvara. Gu maan muunɲip, nde phorgi kirga, gu buni vhuunɲ tharirer nde suanga. Gu guigira nden kora muunɲi, gu kanɲi fhu, gu ram mbui tivar muunɲip nden kurarie?

Hagar gu Sara vɲunama si kameɲ.

²¹ Nde Moses suanɲi tivi piin kir za mbui gumgi, nde ntige na suanɲ. Nde tuituigiap Fhe Bakime buni vhuunɲ kanɲi fhuv thi? ²² Fhe Bakime buni vhuunɲ ki gap khar

4:16 Amo 5.10; Ga 2.5; 2.14

^b 4:18 Khar Grikar kaman kha kameɲ
4:22 Stt 16.15; 21.2

nzuai, Abraham kama phunini ki. Fhura ana n̄aara khina mbui mbik Hagar, ana mbe tegi, anan muuŋ girgir Sara, ana mbe tegi. ²³ Mba n̄aara khina mbui mbik tegi kam, ana nza gumgi gu mbigi nza wari ga rigap tari ti tiva muuŋgiap higi. Mba ana muuŋ girgir Sara tegi kam, ana Fhe Bakime fhum khaŋ Abraham ga suan̄gi, “Ndun muuŋ girgir Sara, ana ndu gon kama tegirga.” Mba tar mba kameŋ zin vugap higi. ²⁴ Mani v̄hunama si kameŋ ki, mba kameŋ mani neŋgi bunin vhen ki. Mba mbigani, mani Fhe Bakime suan̄gi kama mpuani zin vugi. Hagar, ana Sainai mbikshima suan̄gi kameŋ zin vugap, won n̄kaa tegim, mbe fhura n̄aara gumgi khini ki. ²⁵ Hagar, ana Sainai mbikshima nzuai. Mba mbikshim, ana Arabian mbikshim ma. Ana v̄hira ntige mbur ki Zerusarema nzuai. Ntigem mba Zerusareman anan ki gumgi gu mbigi, mbe fhura n̄aara gumgi khini ma. ²⁶ Harigi Zerusarem ana Hevenan ki. Mba Zerusareman ki tari, mbe n̄aara gumgir khini fhuvara. Mba Zerusarem, ana nzan niamuuŋ fara muuŋgi. ^{C 27} Fhe Bakimen buni v̄huuŋ ki gap khaŋ nzuai, “Ndu mbiga mbatigage, ndu khura ti, ndu ne suan̄v ndikndigiri. Ndu tara tav, ana zaa mbararagi fhuv mbik, ndu ndav mbirav kiri. Ndu n̄gavar muuŋv, ndikndigip, simiri, ne khaŋ muuŋgi. Ndu guigira tari v̄hirve guarira tegirga. Ndu mana tigim, ndun man ndu thagi mbik, ndu tirma tari, nta guigira mba mana tigira ki mbigar tari kamarav guigira horgirga.” ²⁸ Nde guigira Zisas khotigap ana zin vui gumgi, nde Aisak farar muuŋgi. Fhe Bakime suan̄gi

4:23 Stt 18.10-14; Ro 9.7-9; Hi 11.11 4:24 Ro 8.15; Ga 5.1 4:26 Hi 12.22; VB 3.12; 21.2; 21.10 ^C 4:26 Ves 22 Por kha zitir Sara ga muuŋgi, “Bikbiigiap ki mbik.” Kha v̄hunama si bunai, Sara ana Fhe Bakime suan̄gi kameŋ ma. Ana kam Aisak, ana mba guigira Zisas khotigigi gumgi ma. Ndu ves 28 ganiri. 4:27 Ais 54.1 4:28 FG 3.25; Ro 9.7-8; Ga 3.29

kameŋ zin vov, nde ana tari ma. ²⁹ Mba gumgi gu mbigi, mbe wari ga rigap tari ti tuavar higi tar, ana mba Fhe Bakimen Ŋina Ŋaar Abrahamama suanġim, Sara ana gon tegi tar, ana tiva mbatigar ana muunġi. Ntige vħira, mba tiv, ana mbara muunġiap ki. ³⁰ Fhe Bakime buni vhuuŋ ki gap ram nzuai? Ana khaŋ nzuai, “Nde mba ŋaara khina mbui mbik won kaman kov, nde mani ga vharari. Mba ŋaara khina mbui mbik tegi tar, ana won ndia gu anan kama ġirġir, ana manin bigir figa thuen ġirġirga fhu.” ³¹ Nde Zisas khotigap ana zin vui gumgi, nde kaŋgi, nza mba ŋaara khina mbui mbiga tegi tari fhuvara. Zakira fhuvara! Nza Abrahaman muunġirġir tegi tari ma.

Krais, ana nza muunġim, nza bikbiġim, Fhe Bakimen Ŋina Ŋaar nzan kurkurav, ndikndigar nza ndiim, nza tivar vhuun harigi gumgi ga mbui.

5

Nza ġirġirga bikbiġip kiri.

¹ Krais nza muunġim, nza bikbiġiap, nza wom Moses suanġi tivi piin ġirġirga fhu. Maanġ muunġiap, nde thigi havhargip kiri. Nde fhura mba gumgi ganirim, mbe nden muunġrim, nde fhura mben ŋaara gumġir khini ki thari.

² Nde mbarara! Gu Por, gu nde nzuai. Nde fhura mbe ganirim, mbe nden foŋġirga, Krais nde nzuav muunġi ŋaar, ana thaneŋ nden kurarga tuktigi fhuvara. Zakira fhuvara! ³ Nde fhura mbe garim, mba nden foŋġi gumgi, gu taagia buna thuen nde suan za mbui. Nde mba tiva muunġi, nde vħira mba Moses suanġi tivi, nde zam nta zin ŋġiri. ⁴ Nde maanġ muunġip, Moses suanġi tivi zin

4:29 Stt 21.9; Ga 5.11; 6.12 4:30 Stt 21.10; Zo 8.35 4:31 Zo 8.36; Ga 3.29; 5.1; 5.13 5:1 Zo 8.32; 8.36; FG 15.10; Ro 6.18; Ga 2.4; 5.13; 1 Pi 2.16
5:3 Ga 3.10 5:4 Ro 9.31-32; Hi 12.15

ngirim, Fhe Bakime tivir vhuuiaj mbui gumgi gu mbigir nden kamin za mbui, nde Kraiſ thagi ntiiri ma. Nde Kraiſ thav, nde Fhe Bakimen kora muumbar, nde vhira ana thagi. ⁵ Nza Fhe Bakimen Ŋina Ŋaarar ŋkaŋkar panan, nza guigira Fhe Bakime kothigap, ana tivir vhuuiaj mbui gumgir nzan kamingen rarga ki. ⁶ Guma maan muungip, Kraiſ Zisa phorgip kirga, mba fooi tiv, ana fhura ki tiv ma. Mba gumgi warir fooi fhuv ne, ne vhira fhura ki ne ma. Kha tiv, guma guigira Kraiſ kothigap, ana guigira won davar harigi gumgi ga ndiii, mba tiv ana guigira tiva guar ma.

⁷ Nde fhum, nde nzerara Kraiſ tuava ruigi. Nde ntigem, the nde tuav mpirigim, nde wom mba buni guari, nde nta zin vui fhu? ⁸ Nde ntigem, mba zin vui ndikndigi, nta nden kamgi Fhe Bakime han kega zigi fhuvara. ⁹ Nde ndikndigi, nde mba is bisanera ndi khingip, mba viktuman muungirga, mba is bisanera, nera mba viktuman muungirim, ana kivgirga. ¹⁰ Gu khuej kothigi, Guma Bakime nden kurarga, nde na ndikndik zin ngirga. Nde nan ndikndiga zin ngiv, nde harigi ndikndiga suirarga fhu. Gu kanji fhuvara, the nde ndikndigi ngi. Ne mbara muuj, mba guma, ana wo muungji tiva mbatiger suanj, Fhe Bakime vheza mbatigar anan niinga.

¹¹ Nde nan phorgav Zisa kothigap ana zin vui gumgi, gu maan muungip, gumgir foon sanjv nde suanjvra kirga, mbe thanj suanjv tiva mbatigar nan muunjrie? Gu maan muungip khanj suanga, nde gumgir foonri, gu maan suanga Zisa rimgi khanararen kamenj ne wom gumgir ndikndigir farfarga fhu. ¹² Mba nde ndikndigi ngi gumgi, mbe khanj tiga havhargiap warir fhavi ndirar fooi ne

5:5 Ro 8.24-25; 2 T 4.8 5:6 1 Ko 7.19; Ga 6.15; Kor 3.11; Ze 2.18-22 5:7
1 Ko 9.24; Ga 1.6; 3.1 5:9 1 Ko 5.6; 15.33 5:10 2 Ko 2.3; 8.22; 10.6; 11.15;
Ga 1.7 5:11 1 Ko 1.23; 15.30; Ga 6.12; 6.17

nzuav havhargi. Gu ne vuzvugi, mbe nduarira warir foony, mbe vhora za wari wo fhavi ndira, mbe zam nta gori suegiri.

¹³ Nde nan phorgav Zisas khotigap ana zin vui gumgi, Fhe Bakime nden kamgi, nde bikbiigi kiri. Nde bikbiigi, kiv khuej ndikndigi thari, “Nza ntige bikbiigi, nza wari won ndava vhura tivi zin ngirga.” Zakira fhuvara! Nde mba ndikndigar muuj thari. Nde bevbevira, nde Fhe Bakimen gumgi gu mbigi, nde fhura mben njara gumgi kiv, nde wari won ndavir mben niingiri. ¹⁴ Mba Moses suangi tivi, nta zam mba kama buenra vhen ki. Mba kamej khañ nzuai, “Nde warira vuzvugi tivara, nde wari won ndavir wari wo kaa gumgi niingiri.” ¹⁵ Nde maanj muungip, nde nduarira fani gum fugir wari ga romrogip kirga, nde riviri. Nde muunjv kiv, nde wari tigira fhiringirga.

Fhe Bakimen njina njaarar tivi, guman ndava vurar tivi.

¹⁶ Na buni khañ muungi, nde fhura Fhe Bakimen njina njara ganirim, ana nden ruru tivi gu bigi ganiri. Nde maanj muunga, nde ndava vura vuzvuga zin ngirga fhu. ¹⁷ Nza khuej kanji, nzan ndava vur, ana Fhe Bakimen njina njara mbevi za mbuim, Fhe Bakimen njinan njaar, ana nzan ndava vurar mbevir za mbui. Fhe Bakime njina njaar, ana nzan ndava vurar pana guma ma. Ana nzan kurarga, nza ndava vurar tivi zin ngirga fhu. ¹⁸ Nde maanj muungiap Fhe Bakimen njina njara zin vui, nde Moses suangi tivi, nde nta piin ki fhu.

5:13 1 Ko 8.9; 9.19; 1 Pi 2.16; 2 Pi 2.16-19 5:14 Wkp 19.18; Mt 5.43; 7.12; Ro 13.8-9; Ze 2.8 5:16 Ro 6.12; 8.4; 13.14; Ga 5.25; 1 Pi 2.11 5:17 Ro 7.15-23; 8.6-7; 1 Pi 2.11 5:18 Ro 6.14; 8.2; 8.14

¹⁹⁻²¹ Nde ndava vurar tivi, nde nta kanġi. Nta kha khesharigi tivi ma. Ruarir gumgi gu mbigi wari ndi, tivi mbatigi ga mbui, ndavi khavav tivi mbatigi ga mbui, gumgi mbarivi gu tori rotu mbui, mbarkirga kugi gu mbara ga mbui, panan gumgi ga ki, ndav shi, vhegi, harigi gumgi ndav shi, harigi gumgi bigi niihi, nde warira ndikndigi tivi, ntari ga mbuav, wari shiga sui tivi, harigi gumgi mbe nzerara kim, mbe nzuav ndav zigzigi tiv, pharar nannani pav, fhura ferferi, fhura tuava pura rui, kha khesharigi tivi ma. Gu fhum mba bunin nde suanġiap, gu ntigem wom mba bunira nde nzuai. Mba khesharigi tivi ga mbui gumgi, mbe Fhe Bakime wo gumgi gu mbigi garim, mbe ana piin ki nġun vhen nġirgirga tuktigi fhuvara.

²²⁻²³ Fhe Bakimen Njina Njaar nzan ndavi dorgap, nzan kurkurigim, nza tivir vhuuian mbui. Mba tivi khare, guigira harigi gumgi ndavar mbe ndiii tiv, ndikndigi tiv, ndava miitigar ki tiv, vhemkora ndav shi fhuv tiv, tivar vhuuan mbuav, harigi gumgir kurkurigi tiv, mba tiva mbuav nzerara kav, kha nuianan nzerara rui. Ana ruav, mbarara kav, won ndava vura tivi, ndu nta mbevi. Kha khesharigi tivi, nta thivir kama thuej ki fhuvara. ²⁴ Krai zin vui gumgi gu mbigi, mbe won ndava vhura vuzvugi, mbe nta ndiav, mba bigi garav, nta niihi vuzvuga mbatik, mbe nta ndiav, Zisas Krai phorgav khanararej ga tigap fugim, mba vuzvugi vhezgi.

²⁵ Fhe Bakimen Njina Njaar ana zazera mbara muunġiap ki biinbiin nza niinġi. Nza vhira ndava vura tivi thagi. Nza maan muunġiap, nza fhura Fhe Bakimen Njina Njaara ganirim, ana ndikndigar nzan niinrim, nza ana vuzvugar

5:19-21 1 Ko 3.3; 6.9-10; Ef 5.3; Kor 3.5; Ze 3.14-15 5:19-21 1 Ko 6.9; Ef 5.5;
 Kor 3.6; VB 22.15 5:22-23 1 Ko 13.7; Ef 5.9; Kor 3.12; Ze 3.17 5:22-23 1
 T 1.9 5:24 Ro 6.6; 13.4; Kor 3.5; 1 Pi 2.11 5:25 Ro 8.4-5; Ga 5.16

kha nuianan kiv, ana vuzvugar ruri. ²⁶ Nza fhura nduarira wari wo ziri ndi vun kuamkuarga fhu. Nza vhira harigi ntiiri ndavi ga sirga fhu. Nza vhira harigi ntiiri bigi ganiv, nta niihira fhu.

6

Ndu ram mbui khesharigi mbar pargi, ndu mba mbara ndirga.

¹ Nde na phorgap guigira Zisas khotigap ana zin vui gumgi, nde maan muungip guma the ganirim, ana tiva mbatik thuej muungirim, nde Fhe Bakimen Hina Hjaar nde garim, nde ana vuzvuga zin vui gumgi, nde mbarara mba guma phorgiv suanjv, ana mbui tiva mbatigej ndi thigar mbarari. Nde maan muunjv, nde vhira tuituigira wari ganiri. Nde muunjv kirim, Satan nden mpararim, nde vhira regip, tivi mbatigir muungirga. ² Nde vhira harigi gumgir kurav mben simtigi ndiri. Nde mba tivar muunga, nde guigira Krai suangi tiva zin ngirga. ³ Nden rigar guma the maan muungip kha suanga, “Gu zi bakime ki guma ma.” Fhuvara, ana zi ki guma fhuvara, ana maam wora shishigi. ⁴ Nde gumgi zam, nde wari wo mbui tivi gu hjaarira ganiri, nta nzerara o, fhu. Mba khesharigi tivi ga mbui gumgi, mbe won tivir ndikndigiri. ⁵ Ne kha muungi, nza gumgi bevbevira nza zam nza wari wo mbui hjaarir simtiga ndirga.

⁶ Guma ana harigi guma Fhe Bakime buni vhuuin ana khivi, mba guma ana won bigi vhuuin tharir mba Fhe Bakime buni vhuuin ana khivi guman niingiri.

⁷ Nde muunjv kiv, nde warira guiguigip, nde kha

5:26 Fi 2.3 6:1 Mt 18.15; 1 Ko 2.15; 4.21; 7.5; 2 T 2.25; Hi 12.13; Ze 5.19
 6:2 Zo 13.14-15; Ro 15.1; 1 Te 5.14; 1 Zo 4.21 6:3 Ro 12.3; 1 Ko 8.2; 2 Ko 3.5
 6:4 1 Ko 11.28; 2 Ko 13.5 6:5 Ro 2.6; 14.12; 1 Ko 3.8 6:6 Ro 15.27; 1
 Ko 9.11; 9.14 6:7 Jop 13.9; Ru 16.25; Ro 2.6; 1 Ko 6.9

ndikndigar muunga, nza Fhe Bakime nifhi darga. Nde maan muungirga tuktigi fhu. Zakira fhuvara! Nde ramgi khesharigi mbar pargi, mba mbara nden minin hegirga. ⁸ Guma the maan muungip won ndava vura vuzvugi zin ngirga, anan ndava vura vuzvugi, nta mba mbatigi tirga. Mba guma, ana guigira za mbatigirga. Ana maan muungip Fhe Bakimen Ijina Ijaarar tivi zin ngirga, Fhe Bakimen Ijina Ijaar zazera mbara muungiap ki biinbiin anan niingirga. ⁹ Maan muungiap, nza tivar vhuun muungen vhukvhugi thari. Nza tivar vhuun muungen vhukvhugirga fhu, nza zumgum mba ndirga tuk higirga, nza mban vhuuin guarira ndirga. ¹⁰ Maan muungiap nza tivar vhuun harigi ntiri muunga tuk ki, nza tivar vhuun mben muunga. Nza maan muunjv, nza khan tigip havhargip, mba guigira Zisas kothigap ana zin vui gumgi gu mbigi, nza tivir vhuuinra mben muunga.

Por Krai rimgi khanararen ndikndigi.

¹¹ Kha kamej, gu nduara ne khergi. Nde gu kha kamej khergi nkeeri bakivi gani. ^a ¹² Nde mbarara. Mba nden foon zav kha tiga havhargi gumgi, mbe khuej nzuav, mbe harigi gumgi niman mbe zi bakivi ndir zav maan mbui. Mbe khuej ndikndigap rivgi. Mba Zudaij muunjv kiv, mbe nza Krai rimgi khanararej kothigap, nza foon tiva zin vui fhu, mbe ne mbararagi, ne nzerigi fhu. Mbe ne mbararagirga, mbe tiva mbatigar nzan muunga. ¹³ Mba Zudaij mbui tiva zin vov warir foonji gumgi, mbe nduarira mbe Moses suangi tivi, mbe tuituigiap nta zin vui fhuvara. Mbe maan muunjv, mbe wari wo ziri ndiv vun

6:8 Hos 8.7; 10.12; Zo 3.6; 6.63; Ro 8.13; Ze 3.18 6:9 1 Ko 15.58; 2 Te 3.13; Hi 3.6; 3.14; VB 2.10 6:10 Ef 2.19; 1 Te 5.15; 1 T 6.18; Hi 3.6 a 6:11 Ndu 1 Korin 16.21 ganiri. 6:12 Ga 2.3; 2.14; 5.11; Fi 3.18

kuamkuarga. ¹⁴ Gu wo zi ndi vun kuarga tuktigi fhu. Gu vhira, guma the zi ndi vun kuarga fhu. Zakira fhuvara! Gu Zisas KraiS zira ndi vun kuamkuarga. Nza Bakime Zisas KraiS khanararen ringim, gu guigira nen ndikndigi. Zisas KraiS khanararen muuᅅgi ᅅaarar panan, kha nuianan tivi nan ndikndigar vᅅizgim, gu kha ndikndiga mbui. Gu nduara ana phorgap mbu khanarareᅅ ga ntorgap ringiap, gu wom kha nuiana tivi zin vui fhu. ¹⁵ Ntigem, fooi tiv, ana fhura ki tiv ma, vhira fooi fhuv ne, ne vhira fhura ki tiven ma. Nza ndava vura tivi thav, nza Fhe Bakime ᅅina ᅅaar vuzvugi zin vui, ne guigira bigina guareᅅ ma. ¹⁶ Mba ndikndik suirav, ana zin vui gumgi gu mbigi, Fhe Bakime mben korar muuᅅrim, mbe ndavi mbirav wari kiri. Mba khesharigi gumgi gu mbigi, mbe guigira Fhe Bakimen Isrerinᅅ guari ma.

¹⁷ Gu guma the harigi simtiga thueᅅ phorgiv nan niinᅅeᅅ, gu ne thagi. Gumgi mbari, mbe na shogim, mba nzuu pira na fhavar ki. Mba nzuu pira khaᅅ muuᅅgi, gu guigira Kraisan ᅅaara guma guar ma.

¹⁸ Nde na phorgap guigira Zisas KraiS kᅅothigap ana zin vui gumgi gu mbigi, nzan Guma Bakime Zisas Kraisan korar muumbar nde phorgip kiri. Guigi guarara. Zam.

6:14 Ro 2.29; 6.6; 1 Ko 1.31; 2.2; Fi 3.3; 3.7-8 6:15 2 Ko 5.17; Ga 5.6; Kor 3.11 6:17 2 Ko 1.5; 4.10; 11.23; Ga 5.11; Kor 1.24

Fhe Bakimen Kaman Kamerj Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamerj in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 27 Sep 2019 from source files dated 27 Sep 2019

bfb9792d-a7df-5425-8e30-1e4968f04468